



**CHUO CHA USTAWI WA JAMII**  
📍 DAR ES SALAAM & KILIMANJARO



# JARIDA LA MTANDAONI

**JULY - SEPTEMBER, 2024**



## CHUO CHA USTAWI WA JAMII CHASHIRIKI MAONESHO YA 48 YA KIMATAIFA YA SABASABA

**Chuo cha Ustawi wa Jamii kimeshiriki maonesho ya 48 ya kimataifa-Sabasaba ambayo yalianza tarehe 28 hadi tarehe 13 ya mwezi Julai 2024 katika viwanja vya Sabasaba – Dar es salaam. Maonesho hayo yaliyofunguliwa rasmi na Rais wa Msumbiji, Mhe. Filipe Jacinto Nyusi akiambatana na mwenyeji wake Rais wa Jamhuri ya Muungano wa Tanzania Mhe. Dkt Samia Suluhu Hassan.**

**Katika maonesho hayo Chuo cha Ustawi wa Jamii kilitoa huduma mbalimbali kwa wananchi waliotembelea katika banda la chuo. Baadhi ya huduma zilizotolewa wakati wa maonesho hayo ni: udahili wa wanafunzi mwaka wa masomo 2024/25, Ushauri wa kitaaluma na maelezo juu ya huduma zinazotolewa na Chuo katika kampasi kuu ya kijitonyama, Dar es salaam pamoja na kampasi ya Kisangara, Mwanga iliyopo mkoani Kilimanjaro.**



Mhadhiri msaidizi wa Chuo cha Ustawi wa Jamii Rufina Khumbe akigawa vipeperushi na kutoa maelezo juu ya huduma zinazotolewa na chuo, kwa wanafunzi waliotembelea banda la Wizara ya Maendeleo ya Jamii, Jinsia, Wanawake na Makundi Maalum katika maonesho ya nanenane yaliyofanyika viwanja vya Nanenane Nzuguni Dodoma

## ISW YAHUDUMIA WAKULIMA NA WANANCHI MAONESHO YA NANENANE - DODOMA

**Chuo cha Ustawi wa Jamii ni mionganini mwa vyuo vya elimu ya juu ambavyo vilitoa huduma kwa wananchi na wakulima wa mkoa wa Dodoma katika maonesho ya Nanenane ambayo yalianza tarehe 1 hadi tarehe 8 mwezi Agosti 2024 katika Viwanja vya Nanenane Nzuguni – Dodoma. Kauli mbiu ya maonesho ya nanenane 2024 ilikuwa “Chagua Viongozi Bora wa Serikali za Mitaa kwa Maendeleo Endelevu ya Kilimo, Mifugo na Uvuvi”**

Katika maonesho hayo Chuo cha Ustawi wa Jamii kilitoa huduma mbalimbali kwa wananchi waliotembelea katika banda hilo. Huduma zilizotolewa wakati wa maonesho hayo ni, ushauri nasihi na msaaada ya kisaokolojia, Ushauri wa kitaaluma na maelezo juu ya huduma zinazotolewa na Chuo cha Ustawi wa Jamii katika kampasi kuu ya kijitonyama, Dar es salaam pamoja na kampasi ya Kisangara, Mwanga iliyopo mkoani Kilimanjaro Pamoja na udahili wa program za kitaaluma kwa mwaka wa masomo 2024/2025.

**Maonesho hayo yameimarisha uhusiano kati ya Chuo na jamii na kuwezesha jamii kupata ufahamu mzuri kuhusu mchango wa chuo cha Ustawi wa Jamii katika kukuza maendeleo endelevu katika jamii.**



Watumishi wa Chuo cha Ustawi wa Jamii kampasi ya Dar es salaam katika semina ya afya ya akili na msongo wa mawazo mahala pa kazi

## SEMINA KUHUSU AFYA YA AKILI NA MSONGO WA MAWAZO MAHALA PA KAZI

Chuo cha Ustawi wa Jamii kampasi ya Dar es salaam Juni 22, 2024 kiliandaa semina kuhusu afya ya akili na msongo wa mawazo mahala pa kazi kwa watumishi wake. Semina hiyo ilifunguliwa na Mkuu wa Chuo Dkt. Joyce Nyoni na kuhudhuriwa na wakufunzi pamoja na watumishi wote wa Chuo cha Ustawi wa Jamii kampasi ya Dar es salaam. Semina ililenga kuwapatia watumishi wa Chuo cha Ustawi wa Jamii maarifa na mbinu za kukabiliana na changamoto za kisaikolojia zinazoweza kuathiri utendaji kazi na Ustawi wao kwa ujumla.



Mkuu wa Chuo Dkt Nyoni akizungumza na watumishi wa chuo katika Semina ya afya ya akili



Mhadhiri msaidizi wa Chuo cha Ustawi wa Jamii Richard Mtokambali akiwasilisha mada.

Aidha Semina hiyo ililenga kuwasaidia wafanyakazi na wakufunzi kuelewa na kudhibiti changamoto za kisaikolojia zinazotokana na kazi kama vile msongo wa mawazo. Kupitia semina hiyo watumishi wa Chuo cha Ustawi wa Jamii walijifunza mbinu bora za kupunguza msongo, kudumisha uwiano wa maisha na kazi, na namna ya kujenga mtazamo chanya katika hali mbalimbali za kikazi.



## MRADI WA O3 PLUS KUTEKELEZWA ISW

Uongozi wa Chuo cha Ustawi wa Jamii na UNESCO Tanzania umefanya Kikao kujadili mikakati ya kutekeleza Mradi wa O3 Plus tarehe 15/08/2024. Mradi wa O3 Plus ni mradi ulioanzishwa na UNESCO, Lengo la mradi huo ukiwa ni kutoa elimu ya afya na ukatili wa kijinsia kwa wanafunzi wa vyuo vikuu na vya kati vilivyopo katika nchi zilizo katika ukanda wa SADC. Kupitia mradi huu wanafunzi watanufaika na elimu juu ya kujikinga na magonjwa ya ukimwi, kujikinga dhidi ya ukatili wa kijinsia na elimu juu ya uzazi wa mpango kwa vijana.



Mwakilishi kutoka UNESCO Tanzania Bi. Numbilya Kiseko akiwasilisha mikakati ya mradi wa O3 Plus

Aidha kikao hicho ni ushahidi wa dhamira thabiti ya Chuo cha Ustawi wa Jamii katika kukabiliana na changamoto zinazohusiana na ukatili wa kijinsia. Ni hatua muhimu kuelekea kufanikisha malengo makubwa yanayolenga kuboresha maisha ya vijana nchini Tanzania kupitia elimu bora na ufahamu sahihi kuhusu haki zao.

# CHUO CHA USTAWI WA JAMII CHASHIRIKI MKUTANO WA MWAKA WA MAAFISA USTAWI WA JAMII



Mkuu wa Chuo Cha Ustawi wa Jamii (ISW), Dkt. Joyce Nyoni, akiambatana na wahadhiri Dkt. Patience Kawamala na Dkt. Leah Mwaisango wameshiriki katika Mkutano wa mwaka wa Maafisa Ustawi wa Jamii uliofanyika Moshi kuanzia tarehe 18 hadi 20 Septemba, 2024. Mkutano huo muhimu uliwaleta pamoja maafisa ustawi wa jamii sehemu mbalimbali za nchi ili kujadili masuala ya ustawi wa jamii.



Mkuu wa Chuo Dkt Joyce Nyoni (katikati) akiongoza mjadala katika mkutano wa mwaka wa maafisa ustawi wa jamii.

Katika tukio jingine kwenye mkutano huo, tarehe 19 Septemba, 2024, Dkt. Joyce Nyoni aliongoza mjadala kuhusu mbinu za kupunguza ukatili dhidi ya wanawake na watoto. Mjadala huo ulikuwa sehemu muhimu ya mkutano huo, ukilenga kubuni njia bora za kukabiliana na changamoto hizo.



## REHEMA SAID AANDIKA HISTORIA KWA USHINDI WA TENNIS KENYA OPEN NA PLOCK CUP

Rehema Selemani Said, mwanafunzi wa Chuo cha Ustawi wa Jamii, ambaye ni mchezaji wa Tenis ameweka historia baada ya kushinda mashindano makubwa ya Tennis katika michuano Kenya Open Championship 2024 na PLOCK Cup huko Poland. Katika Kenya Open, Rehema aliibuka mshindi wa kwanza kwenye makundi ya Single na Double, akipeperusha bendera ya Tanzania kati ya washiriki kutoka nchi sita za Afrika Mashariki na Kati.



Rehema Said akiwa amebeba kombe Plock Cup Women's Singles



Rehema Said akiwa amebeba kombe Kenya Open Championship

Ubingwa wa Rehema uliendelea kujidhihirisha nchini Poland, ambako alishinda tena katika michuano ya PLOCK Cup, katika makundi ya Women's Singles na Doubles. Rehema alipokelewa kwa furaha kubwa aliporejea Tanzania Septemba 21, 2024 katika uwanja wa ndege wa kimataifa wa Julius Nyerere na uongozi wa chama cha Tenis Tanzania, Uongozi wa Chuo (ISW) na Viongozi wa Serikali ya Wanafunzi.

# **CHUO CHA USTAWI WA JAMII**

---

**Institute of Social Work  
210 Shekilango Road  
P.O. BOX 3375  
14113 Kijitonyama  
Dar es Salaam  
+255-22-274443  
+255-22-2700918  
+255-22-2701375  
[rector@isw.ac.tz](mailto:rector@isw.ac.tz)  
or  
[info@isw.ac.tz](mailto:info@isw.ac.tz)**